

隔海趣吟



王會升長惠存正

晚陳必康

書

中華民國三十六年六月出版

姑

李補之先生教正

轉呈



MG
I226
254



3 1774 6672 3

隔海趣吟

臺灣「二二八」事變吟

八



(康)

蠻荒孤島號臺灣，與海相通一水環，探險先民懷遠略，乘桴遂得此仙山。原擬桃源資避世，斬荆披棘圖生計，積弱前清鞭莫及，版圖乃暫倭奴隸。倭奴恣意事經營，治績彰彰博好評，田疇放眼無隙地，道路東西任縱橫。工廠烟囪如林立，勞工賣盡臺胞力。貪得強隣本無厭，資茲南進事蠶食。一聲炮火震蘆溝，馴致鐵蹄踏九洲，並肩作戰聯歐美，失土中原逐漸收。久受倭人牛馬飼，五十年間天不覩，國旗招展慶重光，初脫鞭笞無所措。新邦遽與談民主，對牛彈琴有何補，頻施高壓自心甘，啣勒頓鬆即忘苦。解放聲中享自由，殊恩祖國翻爲仇，狹隘爭持區域見，識者早知有近憂。時值緝私三二八，文章從此借題發，狹路相逢外省人，不分皂白施屠殺。陳屍道上血痕殷，人命當時等草菅，當軸兵單姑鎮靜，簽謀無計渡難關。是非黑白已顛倒，萬種謠言隨意造，亂聲所播起聞風，事變騷然遍全島。逆施堪笑復堪憐，托治他邦忽盛傳，未知奴化移主化，不戴漢天戴胡天。兵臨頓使危機轉，吾輩楚囚差幸免，海疆重鎮仰斯邦，此幕殆難容重演。倭語倭文未絕踪，倭人毒素十分濃，幸有老成追往事，何曾數典盡忘宗。飲水思源本有本，溯源探本無多遠，觀感轉移教爲先，亡羊補牢猶未晚。

倭屏

防閑設有短牆攔。整塊方如豆腐干。迎客升階穿草履。欸賓席地坐蒲團。大床揭帳全家睡。厚紙糊門四面攤。小巧精工尤省費。官民相與慶居安。

逛地攤有感

(陳列日人返國所遺出賣物件)

炮火蘆溝啓釁端。抗倭國步歷艱難。沼吳八載薪常臥。歸趙終朝璧不完。器皿沿街隨客選。圖書遍地任人看。舊時豪富官家物。列入尋常小販攤。

倭刀

敵人遺下指揮刀。意氣渾無昔日豪。如告前凶猶漬血。漫誇絕利可吹毛。及鋒不再逢人試。長柄終當授我操。世已止戈焉用武。善藏相與

祝弓弦。

參觀日僑集中營有感

分期編遣待言旋。百種經營一旦捐。自昔雄心思贖武。從今搖尾乞誰憐。回看妻子差無恙。漫捲包囊意黯然。天網恢恢終惡報。凌人何可仗強權。

倭袍

（李友蘭得太和衣襟
改爲律師制服贈）

李君偶覓太和裳。似得奇珍喜欲狂。驟視渾身如襖襪。旁觀兩袖太瑯璫。解衣未肯長何用。司多能穿改不妨。自是褐寬歸剪製。從知守法抑鴟張。

倭靴

橐橐行聲每疾馳。磷磷釘底護豬皮。趾高那肯將身顧。韌硬寧存屈膝

思。深入始爲泥足累。遠颺方恨曳兵遲。乞降力士何勞脫。恰信麋人轉自縻。

一二八事變後再遊動物園感懷

名園劫後再遨遊。風景依稀舉目愁。過海長榕忘故里。入樊高鳥痛新囚。瓜皮鼻捲閒觀象。菓屑空拋靜弄猴（懸空一猴）。不使亡羊遺遠患。好從邊圉與重修。

與熊君崇望歐君繩祖同遊中山橋至神社

『中山橋頭有木架』支每木之大三人合抱圍之倚短尺許由中山橋至神社沿路列燈塔不下百個神社爲敵人歌功頌德之處社前列銅牛銅馬及甲午之役從我國搶來之大炮子彈等物觀後不勝感慨係之』

訂遊勝友共歐熊。神社登臨感慨同。橋木三人圍不住。塔燈一路漫揚功。摩挲鐵炮思前代。荊棘銅駝嘆故宮。記勝當年羅各物。僅憑詔世勿興戎。

遊忠烈祠謁延平王遺像

不肯降旂奉大清。孤忠遙想鄭延平。斬荆力把蠻區闢。補袞思將國祚賡。中土紀元歸鞞虜。隔江正朔尙亡明。千秋廟貌憑瞻仰。偉業邊疆孰與京。

松山書所見

經營集體動農工。治績強隣頗奏功。田野立錫無隙地。廠囪蒸氣欲漫空。耕耘歲可三時穫。南北車能一貫通。戰敗倭人還我有。資源握此好圖雄。

三十六年春再到北投

客中逸興屢探幽。此日行踪又北投。嶺外叢林埋古刹。岩旁亂石護高樓。漫山野草空爭艷。遍地溫泉任自流。浴罷渾身塵不染。沾泥那肯狹斜遊。

三十六年四月與鄒君文謙同遊草山時櫻花日本櫻花已謝有感
 孤島何曾有此櫻。當年蕃殖自東瀛。根深竟亂群花種。柄大空思一木
 擎。未效黃花留晚節。枉從異類乞同榮。天香國色終何用。及我來時
 已落英。

夜宿迎產醫院記迎諧醫師

夙抱懸壺濟世思。術精東亞早名馳。(爲遠東產科第三手)。華陀屢把腰間剖。扁鵲
 寧惟帶下醫。午夜奏刀皆中肯。丁年乏嗣漫興悲。遣歸一旦瓜期屆
(市民紛紛挽留不肯遣送返國)。孤島殷憂襁褓兒。

執教臺灣大學法學院

浮海深憂大道孤。西河席上濫吹竽。龍門未許輕登進。(學生紛紛以如何應高考試論)。鹿洞
 當先一步趨。毒化那堪淪半紀。會心尤貴反三隅。種桃偷得公餘暇。
 何日成陰遍海隅。

地震

仙山懸海本浮瀛。履險冥思夢亦驚。初震頗疑人爛醉。頻搖直恐地將傾。塵灰不斷辭牆下。樹葉微聞撲砌鳴。群動似催沉陸急。歸歟莫再戀前程。

草山觀竹

漫詡根深擇地盤。山陬海嶠托身安。枝森炎暑涼爭納。籜解狂風節乃完。樹一藩籬猶衛道。約茲松菊共凌寒。手培尙有堪師者。祇此虛心世所難。

祝叔翔院長業師暨德配孔夫人五秩雙慶

律精中外早名馳。何幸追陪友且師。滬上蜚飛猶愛戴。海濱多服又量移。高層明鏡欽瑩潔。亂後新硯仗措施。合得百齡鴻案樂。願從蓬島晉雙卮。

擬題李焯公曹母祠徵題啓

松筠歲晚見心堅。茹苦含辛六十年。旌節國風終博採。撫孤宗祚賴長
 縣。丸熊遠紹當時教。司彥今傳哲嗣賢。睢水生祠期報母。千秋尺祝
 獻蓬筵。

題子敏君紀念冊

『子敏兄孜孜求學值應茲考期中書以勗之』

環顧中原尙百憂。海疆風雨切同舟。席珍亂後殷甄選。佇看成名在進
 修。

正氣出版社以林獻堂君「二二八」事變感懷律

詩囑和茲謹步原韻藉呈 郢政

其一

閱牆那管弟和兄。觀感渾忘骨肉情。潮湧伊誰爭妄舉。路謠亂我最虛

驚。蒙塵海國慚無色。止雨江城幸放明。潛伏荏苒猶隱患。萬方啓蟄
佇雷鳴。

其二

淪胥久認賊爲兄。返本翻無手足情。啣勒乍鬆心未貼。劫灰每憶夢猶
驚。世風今欲宗邦化。文教先開一隙明。仰賴諸君扶正氣。頻宣孤憤
以詩鳴。

寄最舍侄覺今

少小燕京共苦辛。覺今取號豈無因。（八歲時隨余至故都讀書性頑固故易名宗賢）。十年舊事堪回憶。
二阮前賢欲比倫。後秀吾家深望汝。出頭平地勿輸人。從茲好懷諄諄
語。亂後長才正席珍。

臺灣文藝社爲慶祝三十六年元旦憲法頒布發題徵
詩眼字『憲成七二』爰擬數首竟蒙錄取三元句如下

布憲中原初授政。
告成先烈已殲倭。

行成共祝弓戩日。
布憲同期戶曉年。

晚成一舉名方大。
新憲初頒譽已多。

來臺雜感

其一

浪跡江湖未許閒。勞塵今又渡臺灣。田疇能種三時稻。海島虛懸一水環。約訂馬關慚失策。珠遺合浦慶重還。國人休再邊陲視。屏障東南仗此關。

其二

箝制當年氣勢龐。遂教習俗漸紛囒。求仙徐福原華胄。出塞明妃尙漢腔。苛政不堪徇異國。遺民獨自戀宗邦。懷柔方可移觀感。莫謂人心盡伏降。

其三

殆是蠻荒鄙視之。坐看豎子盡揚眉。鷄蟲得失原何重。牛驥浮沈豈有

時。填海雄心空自許。籌邊微意叩誰知。倒懸未暇蒼生問。淚灑長沙份亦宜。

三十六年春逢賓館開放前往參觀

當年貴冑此棲身。鐵柵蕭牆掩紫宸。一自遺珠還故主。遂開東道館嘉賓。驚心富麗崇樓在。入眼琳琅古畫陳。不再侯門深似海。空餘花鳥弔殘春。

觀軍狗展覽

驢武窮徵及獸兵。桀獒被嫉盡隨營。發蹤休再先驅詡。孤注何曾一擲贏。憶自獼猴驚倒樹。念茲狼狽免爲烹。舍人雖猛終何用。貼耳今歸我使令。

圖書館

(下有圖書室上有博物館室陳日文书籍館列山珍海異壁上掛有鄭成功開國圖表館旁放有臺灣初通火車用之舊式火車頭二輛富有歷史意味)

客中乘暇覓新聞。昕夕無煩入館勤。試路二車徵草創。開基一表策元勳。盈櫛鱗甲皆珍品。滿架圖書盡日文。成見人間需啓迪。轉移教化望尤殷。

觀高砂族（卽生蕃）跳舞

蠻腰起舞看婆娑。原始俚詞信口歌。玉笛何須怨楊柳。曲終四面掌聲多。

蔣主席六秩華誕此間人士爲慰勞收復臺灣勞苦功高有以『介壽』爲題發動徵詩之舉爰成俚句七律十五首

其一

天下安危繫一身。小陽佳日值生申。同期鶴算齊南岳。共仰星輝動北辰。萬國會盟除桎梏。八年平寇歷艱辛。稱觴莫表千秋敬。樹德生祠遍海濱。

其二

當年遠志始懸弧。明德猶多世楷模。北海樽開欣嶽降。普天雷動答嵩呼。遐方遍被新恩澤。孤島重歸舊版圖。共仰壽星南極亮。行看列宿拱中樞。

其三

五千歷史溯炎黃。古道於今逐漸亡。未忍斯文歸斷喪。遂將我武博維揚。施恩重把民心拾。祝嘏兼徵國運昌。自是康強膺景福。壽人壽世壽無量。

其四

良辰恰踐小陽天。身是南枝得氣先。同受胚胎春抱大。力圖團結舊嫌捐。人心不再思長亂。民命猶殷解倒懸。介壽名堂生佛供。焚香頂禮意何虔。

其五

揭開青史欲空前。矢志尤欽信念堅。不忍群黎淪水火。遂憑赤手轉坤乾。屈強暴寇終低首。艱鉅中原未息肩。此日初周花甲子。林壬共晉頌延年。

其六

迴瀾端賴障東流。亘古雄才孰與儔。北海開樽辰兩度。南山獻壽甲初周。豐功爭欲刊碑記。大計還殷借箸籌。一瓣心香同祝嘏。願祈鶴算達千秋。

其七

掀天勲業等騰龍。四海聞風盡景從。廢約百年除縛束。協商一事屢寬容。干戈同室無相擾。樽俎盟邦費折衝。嶽降良辰爭獻壽。三多申祝效華封。

其八

英明天縱我元良。德劭真堪被萬方。遺教前賢多步武。福星南極共明

光。長鞭孤島猶能及。倭寇鄰封枉恃強。率土兆民齊祝嘏。籌添鶴算到無疆。

其九

骨格如梅信不疑。小陽春意透南枝。冠芳殆是前修得。冲雪何曾晚節移。扼困西安終脫險。橫流東海賴撐持。稱觴遠被雲山阻。聊貢俚言當介眉。

其十

全臺半紀陷倭奴。組上操刀任宰屠。呼我馬牛蒙重恥。供人魚肉太無辜。民心未泯猶思漢。敵愾同仇卒沼吳。避壽東來崇節誡。僅憑繡佛報顛扶。

其十一

海上虛懸一島孤。全臺父母望來蘇。神仙眷屬從天降。黎庶歡愉夾道呼。合浦原珠憑拂拭。延平故物賴揚揄。生祠頌德聞風遍。偉業千秋

足楷模。

其十二

戎行久歷熟兵韜。成竹中朝勝算操。已肇承平逢令旦。猶多宵旰仰賢勞。初週甲子陽春近。會啓耆英洛社豪。臨水分光頻賜照。同瞻南極壽星高。

第十三

祝及三多壽域開。華堂今又見南陔。群倫咸載膺元首。吾黨中堅仗總裁。立德立言垂不朽。建軍建國屬奇才。長存各有千秋頌。遙對南山共舉德。

其十四

臺澎祖國本同根。未忍枝多怨葉繁。物與頻頒新寵命。亂平猶念舊創痕。東巡閒挈神仙侶。孤島重承骨肉恩。花甲初周爭祝嘏。呼嵩薄海頌聲喧。

其十五

民豐物阜我臺灣。與海溝通一水環。積弱前清鞭莫及。恃強倭寇割無還。扶顛功蓋延平上。廢約名揚國際間。明德蒼天純嘏錫。壽高爭欲頌南山。

嘯北院長以陪 楊院長遊日月潭卽景詩

囑和倒疊原韻一首

賓主掬精誠。遊潭指水盟。蒼生歌好雨。綠野望深耕。孤島臻長治。南巡洞下情。新硯憑措置。層鏡自分明。小地難容足。大墩(臺中)可一鳴。(嘯北兄易長案中有花蓮地小豈吾人不知故求調)。待人方共慶。移節有循聲。漸重吾儕責。初頒國憲行。公餘欣覽勝。惜未附文旌。

臺灣力行文化服務社「力行」第一喝徵詩拙

句蒙評取頗多附錄如下

(捐取元)

力重片言如九鼎。力盡瓶花常自墜。行乞嗟來猶不食。
 行歧前路有三岔。行孤匣劍每相隨。力耕暴斂恐難寬。
 行賄下有含冤事。力爭座上唇槍動。行樂江南爭買醉。
 力戰中多誓死人。行詐場中腹劍藏。力耕里下尙啼飢。

聞日本又思攫取臺灣移民特權有感

戰敗倭人忍痛回。嗜肥那肯放澎臺。中原近事萁煎豆。三島重燃火炬
 灰。止此干戈方是武。洞茲門井便爲開。(開門海盜擄井人
 吸水均非良策)。海疆重鎮斯邦
 仰。大好長城勿自頽。

SKBC
IG
226
54